

D. F. G.

NONNULLI APHORISMI,
CURAM

SUMMI
IMPERANTIS
CIRCA
CULTUM DIVINUM
DELINEANTES,

Quos

Suffrag. Ampliss. Fac. Philos. in Reg. Acad. Aboëns.
Sub PRÆSIDIO
VIRI MAXIME REVERENDI atque CELEBERRIMI
D:NI PETRI KALM,
Oeconom. PROFESS. Reg. & Ord.
Reg. Acad. Scient. Holm. nec non Societ. Lit. Upf
MEMBRI,
PRO GRADU,
Bonorum disquisitioni modeste submittit
HENRICUS SUND,


V. D. M.

OSTROBOTNIENSIS.

In Aud. Majori die VII. Junii A:no MDCCLX.

H. A. M. S.

ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.



APHORISMUS I.

Religionem esse primarium felicitatis veræ fundamentum, nemo, qui modo sanae scrutinii lance rei pensitaverit naturam, ignorabit. Nam argumenta, quibus hæc adstrui potest veritas, et longinquo non esse petenda vel ipse creationis finis & consideratio naturæ nostræ sudo clarius ostendit. Finem creationis totum quantum in gloria divina illustranda verti omnes, quotquot sanæ sunt mentis, agnoscunt; sed illustrationem hanc non nisi per religionem fieri, promoverique, immo in totum absolví, ut simul agnoscant necessum est; Hinc quo conformior perfectionibus Divinis religio est, eo magis ad gloriam Divinam amplificandam confert; & vicissim

sim quo magis hæc ad gloriam Dei confert, eo majori genus humanum exornat felicitate; nam quis est, qui non videat, eam naturæ nostræ esse indolem, ut non possit non per actiones gloriæ Divinæ adversantes in infelicem detrudi conditionem, quæ licet quod ad externam speciem haud raro florescere videatur, tandem tamen ad instar frugum in defectu humoris succosi marcescit. Sine religione genus humanum potius colluviem bestiarum propriam ruinam citius serius accelerantum, quam cœtum rationalium repræsentat; ut nihil de ira Divina, quæ officiorum, quæ religio nobis injungit observanda, neglectu ad vindictam exigendam provocatur, dicam; quum ex dicendis, quantumvis paucissimis, patet, conservationi generis humani nulla alia ratione, quam genuina religionis cura consuli posse. Et licet religio externam temporalem civilemque securitatem, & eadem se innitentem felicitatem, non pro priario habeat fine; ita tamen felicitas hæc civilis religione involvitur, ut sine illa ne concipi quidem, nedum florescere queat. Dic quæso! quænam pactorum sine religi-

one foret constantia ? certe nulla. Ast ci-
vitatum constituendarum, conditarumque
conservandarum in pactis incundis pie san-
cteque servandis cardinem ex toto verti
vel talpa cæcior videt. Proscripta itaque
religione, ceu ipsa fidei, regi aliisque ho-
minibus præstandæ, anima; evanescunt,
ceu svavia somnia, ipsæ civitates.

APHOR. II.

Hoc, quod in Aph. I:o attulimus, si
non primum certe nec ultimum sibi
vindicat locum inter caussas, cur Reges tam
Ethnici quam Christiani de certo quodam
cultu Divino adeo solliciti fuerint, ut hi-
storia satis superque testatur. Apud genti-
les, licet religio, si ita eam vocare liceat,
ordinis in societate conservandi caussa nec
non plebis, quæ variis prævaricationibus
Deorum iram excitasse credebatur, iis re-
conciliandæ & perversorum corrigendorum
morum atque improborum a malitia deter-
rendorum gratia viguerit; Nihilo tamen
minus cultus eorum, quum lubrico super-
structus fuerit fundamento, & in actioni-
bus e diametro perfectionibus Divinis repu-
gnantibus fere semper constiterit, homines
ad

ad superstitionem & idololatriam exercen-
dam perduxit. Hinc monstruosissimi in illo-
rum mentibus producebantur foetus, qui in
mores depravatos, inordinatos affectus, so-
cietati humanæ maxime nocivos, imo, fæ-
piissime in factiones bellaque intestina pro-
rumpebant, omniaque ad reipublicæ felici-
tatem conferentia ad incitas redigebant.
Christiani vero religionem cultumque Di-
vinum eum in finem præcipue adhibuerunt,
ut omnes Deum rite cognoscerent & cogni-
tum pia mente venerarentur, hoc est, ut
motiva actionum suarum instituendarum ex
perfectionibus Divinis rite recteque cogni-
tis deponerent. Hæc si quis paulo atten-
tius examinaverit, sine omni difficultate vi-
debit, id quod in primo Aph. jam brevissi-
mis demonstratum ivimus sua eademque lu-
culentissima radiare luce, hoc est, religio-
nem esse ultimum idemque firmissimum non
modo societatis humanae universalis, sed &
rerum publicarum in ea omnium robur ac
firmamentum. Hæc enim efficit, ut cives Im-
peratori suo firmiter adhæreant & eum ubi-
que debita prosequantur veneratione; hæc
efficit, ut legibus, quas Princeps civibus

observandas præscribit, conformiter vitam suam instituant concordiamque mutuam pie sancteque colant; Hæc denique, ut reliqua brevitati litantes sicco transeamus pede, efficit, ut cives constantem habeant animum patriam injuriis lacepsitam defendendi vitamque pro eadem ponendi. Et hinc ulterius patet, in quantum Imperatori injunctum sit, ut curam religionis agat habeatque terrimam. Qua de re nonnulla pro modulo virium in medium proferre animo nobis proposuimus, certo certius sperantes fore, ut B. L. hæc quantumvis paucissima langvidaque Minerva adumbrata æqui bonique consulas.

APHOR. III.

IN antecedentibus quasi summis attigimus digitis religionem mirum in modum promovere felicitatem civilem; sed hæc non de quacunque religione intelligenda esse, quivis, vel nobis non monentibus, videt; quia religio, quæ actibus cum perfectionibus Divinis inimicis cornibus dimicantibus absolvitur, tantum abest, ut florem civitatis, qua par est, efficacia promoteat, ut potius eundem sensum tabescere faciat, quamvis

quamvis splendida & ad statum civilem accommodata videatur. Hinc itaque omnium primo cura Summi Imperantis eo tendere tenetur, ut religio vera perfectionibusque Numinis rite cognitis conformis in finibus territorii ipsius vigeat floreatque. Hanc tamen non armis conscientiae civium intrudendam esse res loquitur ipsa ; quia interna animi de veritate religionis convictio hac in re utramque facit paginam ; verum haec non armis in animis civium, sed rationibus indubiis certisque principiis innixis producitur ; praeterquam quod propagatio religionis per arma ipsum civitatis finem, qui Imperatori securitatem civium contra pravorum insidias defendendam & felicitatem communem promovendam injungit, arrietet & penitus evertat. Prudentia itaque potius hac in re Princeps majora efficere potest quam armis, ut exemplo Regis nostri immortalis memoriæ **GUSTAVI** primi plus satis constat, qui incomparabili prudentia omnia obstacula atque impedimenta, quibus Romæ cultores religionem nostram sanctissimam impugnare allaboraverant, felicissime removebat. Commoda, quibus re-
legio

legio vera præ falsis civitatem cumulat, eamque ob rem ut promoteatur farta tecta que servetur digna est, sunt evidentissima, adeo ut his enumerandis immorari supervacaneum sit. Falsæ enim religiones, ut cætera taceam, ejus modi continent dogmata, quæ non solum veram felicitatem destruunt, verum etiam facillime in superstitionem reipublicæ perniciosissimam degenerare possunt.

APHOR. IV.

UT religio vera in civitate floreat farta tecta que maneat, necessarium est, ut cives, quorum interest, cura omni vera academque sufficiente Numinis, ejus perfectionum atque voluntatis cognitione imbuantur. Nam quis est, qui ignoret, veram religionem cultoribus suis injungere, ut motiva actionum suarum suscipiendarum ex solidis perfectionibus Divinis, ceu genuinis, quibus vera felicitas innititur, principiis, deducant, quod sine sufficiente harum cognitione fieri nequit. Obstringitur itaque summus Imperans, ut hac in re præstet, quod suum est, hoc est, ut scholas atque Academias non solum constituat, verum etiam, ut constitutas ita dirigat, ut fini intento

tento faciant, quod satis est. Requirit prudens atque circumspecta Principis cura, ut illi, qui ob probatam in rebus religionem spectantibus doctrinam atque pietatem ecclesiis instruendis dirigendisque præfecti sunt, ad rationem reddendam provocentur, ut illi, quorum interest, cognoscant, quomodo muneri ipsis injuncto satisfecerint. Præterea requirit tam religio conservanda quam finis civitatis, ut princeps dispiciat, ne controversiae in dogmatibus religionis exortæ falsæque doctrinæ aliquid detrimenti civitati adferant: Huic malo, ut melius feliciusque cura Principis mederi prævenireque queat, necessum est, ut omnia scripta, priusquam prelo subjiciantur interque cives publicentur, ab illis, quibus hoc commissum est munus perlegantur, ne quid contineant, quod religioni atque paci publicæ promovendæ adversatur. Nam mala in ipsa herba facilius supprimuntur, quam postquam adoleverunt viresque acquisiverunt.

APHOR. V.

Quemadmodum ad conservationem religionis veræ hoc, ut omnes cives unam eandemque agnoscant religionem mi-

rum quantum facit, ita & quam maxime
flori civitatis promovendo conductit; quia
per unitatem religionis concordia civium mu-
tua facilius inconcussa manet & somites di-
scordiarum supprimuntur, quibus diversitas
religionum haud raro non unam aut alte-
ram regionem, sed plura imperia in miser-
rimam detrusit conditionem. Tenetur ita-
que Princeps, ut in hoc quoque momento
stationi suæ, qua pars est, prudentia invi-
gilet. Ast si defectus incolarum atque com-
mercia cum exteris exercenda diversitatem
religionum per vadent, circumspecto ut hac
in re Princeps utatur consilio necessum est,
hoc est, dispiciendum est, ne diversitas quid,
quod statui civitatis, tranquillitati publicæ
venerationique regi atque legibus præstan-
dæ adversatur, in sinu suo foveat, & ne
veræ religionis propagationi insidias struere
queat. Conducit itaque, ut liberam religio-
nis propagationem illis, qui falsæ religioni
sunt addicti, prohibeat, & ne verbis aut
scriptis contumeliosis se invicem laceffant
neque disputationes in capitibus religionis
sine speciali Principis venia instituantur,
caveat; dispiciat denique, qua ratione fal-
sæ

sæ religionis socii tandem de veritatibus religionis veræ convinci & ad eandem amplectendam allici possint. Interea tamen, ut Princeps se erga omnes, cuiuscunque sint religionis quod ad juris administrationem officiaque humanitatis, æque benignum atque clementem exhibeat, necessum est. Nam licet religionem veram tenerrimo veneretur amore, ita tamen illi faveat, ne alienæ religionis sociis quod æquum justumque est deneget, ne occasionem varia civitatis fini repugnantia consilia capiendi arripiant.

APHOR. VI.

LIET cultus internus in solis cordis obstrusis locis peragatur eamque ob rem potestatis civilis directioni non sit obnoxius, quum tamen cultus externus internum variis modis promoteat, augeat, atque ne variis externis actibus scandalisque suffocetur, haud raro præveniat, Imperantis est cultum externum ita attemperare, ut interno non officiat sed potius ut eidem in quantum fieri potest, promovendo conservandoque sufficiat; quod ex voto ut succedat, haud supervacaneum est, curam summi Imperantis se extendere tam ad cultum privatum quam publicum. Ille pietatem uniuscujusque sigillatim spectat. In eo Principi observandum, ne quis sub prætextu pietatis suæ exercendæ id agat, unde aliquid detrimenti in rempublicam redundaturum foret. Hic scil. cultus publicus auctoritate Magistratus in certis locis condicis diebus & ritibus tam divinis quam humanis paragitur. Hinc Summi Imperantis est, commoda ex religione promanantia ita applicare, ut potestas ecclesiastica cum civili concilietur; & quem admodum

admodum Princeps debet omnia, quæ civitatis scopum concernunt, curare & dirigere in salutem publicam, ita illi competit jus circa sacra; quum hoc cum salute reipublicæ arctissime sit coniunctum. Consequentur suo juri ex pactis prius concessis ut possit ac debeat Princeps ea, quæ ad cultum publicum pertinent, & quatenus id permitat typus doctrinæ atque membrorum ecclesiae conscientia, ordinare, hujusque & reipublicæ securitatem statutis præmunire, ne vel erroneis præceptis doctrinisque, vel acerbis litibus & civitas & ecclesia conturbetur. Si Lites in ecclesia existentur ejusmodi, quæ dogmata & adiaphora spectant, Principis est, discordias moventes comprimere, motas sedare lites & contranitentes graviter punire. Porro, si contigerit, ut plures. religiones in uno territorio vigeant, requirit finis civitatis & mutua civium concordia, quibuscumque licitis modis promovenda atque conservanda, ut Imperans, in quantum bona religionum pace fieri potest, summam navet operam, ut in externis ritibus & ceremoniis quædam sit convenientia, & ut illi, qui religionis suæ usum negligunt, Deum cultumque Divinum contumeliosis scommatibus adficiunt, dies sacros religionisque usui destinatos profanant & qui patrant cætera ejusmodi typis religionum adversantia, justis & severis coercentur pœnis, ne pravis suis affectibus indulgere Divinaque dogmata diris persequi cum detimento reipublicæ perseverent. Forent adhuc multa in nobilissima amplissimaque hac materia, quæ ut allatis adjiciantur, promerentur, sed variæ rationes, ut hisce filum abrumpamus, persvadent.

SOLI DEO GLORIA.

